

BOSNA I HERCEGOVINA  
FEDERACIJA BOSNE I HERCEGOVINE  
PARLAMENT FEDERACIJE  
DOM NARODA  
**Odbor za povratak izbjeglih, prognanih  
i raseljenih lica**  
Broj: 02/17-02-201/22  
Sarajevo, 27.01.2022. godine

**DOMU NARODA  
PARLAMENTA FEDERACIJE  
BOSNE I HERCEGOVINE**

**Odbor za povratak izbjeglih, prognanih i raseljenih lica Doma naroda Parlamenta Federacije Bosne i Hercegovine** na 3. sjednici održanoj 27. januara 2022. godine, razmatrao je slijedeće tačke dnevnog reda:

1. Usvajanje Zapisnika sa 1. sjednice Odbora za povratak izbjeglih, prognanih i raseljenih lica,
2. Prijedlog Budžeta Federacije Bosne i Hercegovine za 2022. godinu - hitni postupak,
3. Prijedlog Zakona o izvršavanju Budžeta Federacije Bosne i Hercegovine za 2022. godinu - hitni postupak.

Na osnovu člana 51. Poslovnika o radu Doma naroda Parlamenta Federacije Bosne i Hercegovine, Odbor podnosi Domu naroda sljedeći

## **IZVJEŠTAJ**

- 1. Usvajanje Zapisnika sa 1. sjednice Odbora za povratak izbjeglih, prognanih i raseljenih lica**

Odbor za povratak izbjeglih, prognanih i raseljenih lica Doma naroda Parlamenta Federacije Bosne i Hercegovine se upoznao sa Zapisnikom sa 1. sjednice Odbora koji je jednoglasno usvojen bez primjedbi.

## **2. Prijedlog Budžeta Federacije Bosne i Hercegovine za 2022. godinu - hitni postupak**

Odbor za povratak izbjeglih, prognanih i raseljenih lica Doma naroda Parlamenta Federacije Bosne i Hercegovine se upoznao sa Prijedlogom Budžeta Federacije Bosne i Hercegovine za 2022. godinu.

Na osnovu člana 198. Poslovnika Predstavničkog doma Parlamenta Federacije Bosne i Hercegovine, Predstavnički dom Parlamenta Federacije Bosne i Hercegovine nije prihvatio da Prijedlog Budžeta Federacije Bosne i Hercegovine razmatra po hitnom postupku nego ga je vratio u redovnu proceduru. Nakon razmatranja Nacrta Budžeta, Predstavnički dom je usvojio slijedeći

### **ZAKLJUČAK**

1. Predstavnički dom Parlamenta Federacije Bosne i Hercegovine prihvata Nacrt Budžeta Federacije Bosne i Hercegovine za 2022. godinu, te smatra da može poslužiti kao osnova za izradu Prijedloga Budžeta.
2. Zadužuje se predlagač da prilikom izrade Prijedloga Budžeta uzme u obzir sve podnesene amandmane, primjedbe, prijedloge i sugestije iznesene u raspravi kao i one koje su dostavljene ili će biti dostavljene u pisanom obliku.

**Odbor za povratak izbjeglih, prognanih i raseljenih lica Doma naroda Parlamenta Federacije Bosne i Hercegovine jednoglasno podržava, te predlaže Domu naroda Parlamenta Federacije Bosne i Hercegovine razmatranje Prijedloga Budžeta u redovnoj proceduri uz navedene zaključke Predstavničkog doma Parlamenta Federacije Bosne i Hercegovine.**

## **3. Prijedlog Zakona o izvršavanju Bužeta Federacije Bosne i Hercegovine za 2022. godinu**

Odbor za povratak izbjeglih, prognanih i raseljenih lica Doma naroda Parlamenta Federacije Bosne i Hercegovine se upoznao sa Prijedlogom Zakona o izvršavanju Bužeta Federacije Bosne i Hercegovine za 2022. godinu.

Na osnovu člana 198. Poslovnika Predstavničkog doma Parlamenta Federacije Bosne i Hercegovine, Predstavnički dom Parlamenta Federacije Bosne i Hercegovine je na 29. redovnoj sjednici održanoj 24.01.2022. godine nije

prihvatio da Prijedlog Zakona o izvršavanju Budžeta Federacije Bosne i Hercegovine razmatra po hitnom postupku nego ga je vratio u redovnu proceduru. Nakon razmatranja Nacrta Budžeta, Predstavnički dom je usvojio slijedeći

## **ZAKLJUČAK**

1. Predstavnički dom Parlamenta Federacije Bosne i Hercegovine prihvata Nacrt Zakona o izvršavanju Budžeta Federacije Bosne i Hercegovine za 2022. godinu, te smatra da može poslužiti kao osnova za izradu Prijedloga Zakona.
2. Zadužuje se predlagač da prilikom izrade Prijedloga Zakona uzme u obzir sve podnesene amandmane, primjedbe, prijedloge i sugestije iznesene u raspravi kao i one koje su dostavljene ili će biti dostavljene u pisanom obliku.

**Odbor za povratak izbjeglih, prognanih i raseljenih lica Doma naroda Parlamenta Federacije Bosne i Hercegovine jednoglasno podržava, te predlaže Domu naroda Parlamenta Federacije Bosne i Hercegovine razmatranje Prijedloga Zakona o izvršavanju Budžeta Federacije Bosne i Hercegovine za 2022. godinu u redovnoj proceduri uz navedene zaključke Predstavničkog doma Parlamenta Federacije Bosne i Hercegovine.**

**Amandman na Prijedlog Zakona o izvršavanju Bužeta Federacije Bosne i Hercegovine za 2022. godinu**

**Odbor za povratak izbjeglih, prognanih i raseljenih lica  
Doma naroda Parlamenta Federacije Bosne i Hercegovine**

**BOSNA I HERCEGOVINA  
FEDERACIJA BOSNE I HERCEGOVINE  
PARLAMENT FEDERACIJE BOSNE I HERCEGOVINE  
DOM NARODA  
n/r predsjedavajućeg**

**U skladu sa članom 178. i članom 179. Poslovnika o radu Doma naroda Parlamenta Federacije Bosne i Hercegovine, podnosimo**

## **AMANDMAN**

**Na član 34. Prijedloga Zakona o izvršavanju Bužeta Federacije Bosne i Hercegovine za 2022. godinu  
(Korištenje sredstava na razdjelu 53 glava 5301)**

**U članu 34. Prijedloga Zakona o izvršavanju Budžeta Federacije Bosne i Hercegovine za 2022. godinu, mijenja se stav (2) i dodaje stav (3) koji glase:**  
**„ (2) Sredstva iz stava (1) tač. a) do d) ovog člana koriste se po programima koje priprema Federalno ministarstvo raseljenih osoba i izbjeglica sa odborima za povratak izbjeglih, prognanih i raseljenih lica Parlamenta Federacije Bosne i Hercegovine.**

**(3) Program utroška sredstava usvaja Vlada Federacije Bosne i Hercegovine najkasnije u roku od 60 dana od dana stupanja na snagu Zakona o izvršavanju Bužeta Federacije Bosne i Hercegovine za 2022. godinu.,,.**

## **OBRAZLOŽENJE**

**Članovi Odbora za povratak izbjeglih, prognanih i raseljenih lica Doma naroda Parlamenta Federacije Bosne i Hercegovine su na 3. sjednici održanoj 27.01.2022. godine jednoglasno odlučili da podnesu ovaj amandman radi boljeg uvida i transparentnosti u donošenje programa utrošaka koje donosi Vlada Federacije Bosne i Hercegovine.**

**Za izvjestioca na sjednici Doma naroda Parlamenta Federacije Bosne i Hercegovine određen je Hadis Jusić, predsjednik Odbora.**

**PREDSJEDNIK ODBORA**

**Hadis Jusić**